



33519

kal komp.



Man. St. Dr.

P

oviensis

1799.

ski Stanisłai e Metatio castrorum

Palladis Jagellonicae

M
C

I

L

M
CA
C

M
P

METATIO
CASTRORUM,
PALLADIS
JAGELONICÆ;

Q U A M

Heroica Munificentia,

ILLVSTRISSIMVS

&

EXCELLENTISSIMVS DOMINVS

D. JOSEPHVS

GONZAGA

MARCHIO in MIROW

MYSZKOWSKI,

CASTELLANVS SANDOMIRIENSIS,

CAPITANEVS LANCKORONENSIS,

In Vrbe Hereditaria Pinczoviensi,

INSTAVRAT;

In prima Scholarum apertione,

contra Hostem animorum ignorantiam.

P E R

M. STANISLAUM DASCZYNSKI,

Philosophia Doctorem & Professore, Collegam Minorem,

ab ALMA VNIVERSITATE CRACOVIENSIS,

eiusdem Gymnasij, designatum

Primum DIRECTOREM.

STYLO ORATORIO

DELINEATA.

Anno terminati Jubilei Magni 1701. Die 27. Decembris.

CRACOVIAE Typis VNIVERSITATIS,

25
Desiderabilis est literarum eruditio, quæ
naturam laudabilem eximiè reddit orna-
tam. Ibi enim prudens invenit, vnde sa-
pientior fiat, ibi bellator reperit, vnde
animi virtute roboretur: inde Princeps ac-
cipit, quomodo populos sub æqualitate
componat, nec aliqua in mundo potest
esse fortuna, quam literarum non augeat
gloriosa notitia. *Cassiodorus lib. 3. Epistol.*

33. 5. 13. III.
Literæ posteritatis causâ repertæ sunt, quæ
oblivioni subsidio esse possent. *Cic: pro Sylla.*





ORATIO.



TRanquillum Musarum Regnum, etsi procul à fulminante Gradivo & sterpentibus armis positum sit, hacq; lege altæ pacis æternum habeatur, domicilium, in communi nihilominus Orbis tempestate, sæpenumero nec Sapiencia sine viribus tutâ. AA. Etiam huic, non vnus ad portas imminet metuendus Annibal, gemmatos Latij postes arietare paratus, si vacuum robore pectus, nulla valida muniat armatura. Domi est, imò intra animorum repagula latens, quem nomino hostis, tantâ virulentiâ, vt pestem nocentissimam dicere ausim, caliditate tam ingenti, vt nulla pars mentis, eius ab insidijs vacet. Quidquid sævi natura progenuit, non semper ferum est: nam & longa dies homini docuit parere leones; certamen, quod contra animi hostem suscipere cogimur, nulla terminat ætas. Horrendum monstrum est, ingens, deforme, cui lumen ademptum, mortalium generi, ab ipsis incunabulis mundi, faceffens negotium grande, contra quod nec Hercules clava, nec saxa, nec ignes, nec Xerxis Numerosæ copiæ,

A

quid-

quidquam agunt. Horret animus tam informe
dicere nomen, quod causa malorum, mundum
erroribus replet, hominum exoculat turbam, ve-
lut vlysses Polyphemum in antro: impellit in de-
via, ubiq; Thermopilas Leonidæ, Cannas Anni-
bali, Trasimenum Romano & Trebiam facit:
quod turbat Arcopagos, Astræam terris exulare
cogit: Themidis Sacram violat aram: quod Ur-
bes destruit, solitudines inducit, in regno opulen-
tiæ, fortunæ mancipia, asinis auro onustis, simil-
lima reddit: quod deniq; sana corrumpit consilia,
Reipublicæ navim, in Scopulos, Scyllas & Cha-
rybdes, impellit. Domesticum id malum est, &
hostis semper vicinus ignorantia, tantorum di-
scriminum operatrix infamis, quæ mox in cunis,
infantiam nostram premit, crescentibus annis
oppugnat pueritiam, luctatur cum adolescentia,
nec virili parcit ætati, nî die nocteq; vigil animus
pro domo sua noverit excubare. Tanti, non
ignari mali, Orbis literati Atlantes, corcula sapi-
entiæ, gemmæ melioris sæculi, cælo dignæ ani-
mæ, aurei ævi Principes Divi CASIMIRI JA-
GELONES, ZAMOSCIJ, RADIVIL-
LI, ingenuas artes in præsidium Lechico Orbi ad-
vocarunt, proq; Patria & Ecclesia, in suis ditio-
nibus excubare, provida excelsi animi perspicua-
ciâ, voluerunt. Similes non quæro in Græcia
propensos in literas Alexandros, nec Fulvios, ve-
rustæ Romæ decora amplius refodio, quibus o-
lim intra gloriâ stetit, in circo Flaminio, Herculi
Musarû posuisse ædem, vt meliori Reipublicæ bo-
no, & Musarû quies defensione Herculis, & virtus
Herculis, voce Musarum juvaretur. Hoc Tu agis,
par summis Heroibus, Avorum Atavorumq;
glori-

gloriam, magnis virtutum splendoribus augens,
ILLUSTRISSE & EXCELLENTISSE DOMINE,
CASTELLANE SANDOMIRIENSIS, CAPI-
TANEE LANCKORONENSIS, qui ad emo-
lumentum Reipublicæ, ad excitandam spem au-
reæ felicitatis, ad augendam bonarum literarum
gloriam, augusta munificentiâ, iubes Iagelonicam
Palladem, in Tua Hereditaria Vrbe, contra ani-
morum hostem ignorantiam, sua castra metari.
Classicum hîc primus ego canam, favente mihi
Vestra benevolentia, quam supplex Musarum
peto Sacerdos.

Auream hodie adhuc probant sæcula vocem,
qua olim nonnemo Principum illud optaverat
tempus, quo stipendia militum, in præmia Docto-
rum conferre liceret. AA. Publicæ enim felicitati
prospicere est, velle erudiri ad sapientiam Or-
bem, & illâ, hominum mentes muniri armaturâ,
contra quam, tantum possint adversitatum ful-
mina, quantum aut mucro stellati Orionis con-
tra Solem, aut contra Persei Scutum, atrocior
aspectus. Nihil enim erudito potentius animo,
qui nullo stipatus satellitio, minax contra fortu-
nam insistit; si tunditur in Anaxarcho, non con-
tunditur; cicutam si haurit in Socrate, intoxica-
ri non metuit; si exulat in Themistocle, omnem
terram, suam censeat Patriam: etsi fractus illaba-
tur Orbis, impavidum feriunt ruinæ. Profecto
Atlantes Orbi fatiscienti provident, qui magnis
profusis impensis, adolescentum mentes, melio-
ris literaturæ Spiritu imbuere, solliciti curant.

At verò quos tales in veniri censeam? illosne,
qui millenis cum Pluto sestertiorum sacculis incu-
bantes, & novos quotidie fœnorum pullos, avi-

diffimis oculis relegentes, in maxima rerum copia, in seipso injuri pauperes vivunt, nec tantillum de suo cuiquam communicant, ut divites moriantur: fame & siti se ultro enecant, ut post funesta fata, infamibus liberorum gutturibus, turpissimæ commestationis, diuturniora relinquunt condimenta. Eosne in rem boni publici liberales putabo? quorum pectus, quanto altius radix malorum insedit avaritia, tanto longius à pietate erga Deum & Patriam, à religione, fide, Sanctimonia, iisque omnibus, quæ rem & nomen exornare possunt, malè frugales recedunt. Illosne munificos dicam? qui ut talpæ, nemini vitam credunt, nisi terræ, quam excavant & inhabitant; ita illi deposita nummorum suorum, non Polo, sed Solo, non Patriæ, sed peræ, non publicis Regni splendoribus, sed Cimmerijs Sacculorum tenebris, concredere solent. Apage talia Nomina ab Heroicæ beneficentiæ Mnemosino. Hic illi non nisi aureis consignatur characteribus, quibus amor boni publici, est omni valentior auro: intra quorum divites gazas, nil est, quod non vel Gradivus in Patriæ defensionem sibi vendiceret, vel erudita Minerva, Ecclesiæ & Reipublicæ commodo, in usus publicos, & optet & aptet. Rectè dixerim, munificum virorum eiusmodi pectus, Solem & Oceanum esse: ut, enim ab hoc scaturigine copiosa aquarum, vniversus irrigatur Orbis, ab illo & Cælorum convexa, & terrarum partes, lustrantur ac illustantur abundè; ita à munificentissima optimorum Civium gratia, omni beneficiorum genere dives, descendit copię cornu, fovendisq; ac illustrandis mortalium animis, beneficium lumen derivatur. Et sanè applau-

applaudat sæculum omne eorum gloriæ, ex quo-
rum ærario, Mars Patrius, vſitatum vivere, ha-
bet, & Bellona numerosas conſcribit cohortes,
pro aris focisq; , contra coniuratam barbariem
ducendas in hoſtem; auguſtior tamen ijs contin-
git ſine pulvere palma, quorum munificentia, To-
gata Pallas ruditatem Orbis excolit, ſi non niſi
ab illius conſilio, prudentia & ſapientia, belli &
paciſ rectè conſtituendæ ratio pendet.

Quid mihi cum Anthæi viribus, quæ expertes
conſilij, facilè mole ruunt ſua: quid cum cata-
Phractorum militum turmis, haſtatorum legioni-
bus, ſi ſit nullus ingenio Macedo, nullus pruden-
tia Epaminondas, nullus fortitudine Scipio, nul-
lus ſapientia rei q; bellicæ peritia Cæſar, qui tam
vaſtum corpus animare, hortari, regere ſciat.
Quid mihi ſine literis & literatis, populis refer-
tiſſimæ Vrbes, opibus florentiſſimæ regiones,
niſi Regia, extra ſplendidiſſimis fulgurans tape-
tibus, intra vile culicum domicilium, fæda ſter-
quilinij officina, in qua araneæ, Muſcis tela te-
xunt, mures pro comitijs, de interitu felis diſpu-
tant: lupi pro tribunaliſſimo cancellorum conſeſſu,
de cæde cuſtodum cantum perorantes, vlulant,
imbelles deniq; lepufculi, pro roſtris, de aſſidua
divexatione miſerrimè conqueruntur. Prorſus
deplorandus rerum ſtatus, vbi populus in vincu-
culis ignorantia gemit, animi torquentur rerum
inſcitia: cepas & allium, cum Ægyptijs, Numen
putant: fontibus & igni, Divinitatem credunt in-
eſſe: plantas, arbores, ſylvas Cædere, homicidij
arbitrantur crimen: paſſim ab ignorantia hoſte,
in labyrinthum rapiuntur errorum, vt ſic impli-
cati, vitiorum Minotauro, eſca & pabulum fiant.

Meretur immortale apud sæcula Nomen, Tua
Munificentia, ILLUSTRISSE, & EXCELLENTISSE
ME DOMINE, CASTELLANE SANDOMIRI-
ENSIS, CAPITANEE LANCKORONENSIS,
qui Divi Jagelonis Musas in Tuam Hereditariam
Urbem evocas, ut in hoc quoque loco contra ho-
stem animorum ignorantiam, noverint excubare.
Non jactet Occidens suos CONSTANTINOS,
THEODOSIOS, GRATIANOS, FERDI-
NANDOS, aliosque piissimos Principes, delicia &
ocellos Minervæ: etiam Septemtrio Noster, Phæ-
nicem Te, & rari pretij in corona sapientiæ gem-
mam veneratur. Quid enim agis ILLUSTRISSE,
& EXCELLENTISSE DOMINE, Fundator
Munificentissime, dum Palladium & Ancile Tu-
is Manibus infers, nisi ut sub auspicijs Tuarum
Aquilarum, validoque Leonum præsidio, togata
Pallas, gloriosa triumphet, & derivata felicitate in
Patriæ & Ecclesiæ commodum, Tibi suo Au-
thori, perennes laudes continuo promat.

Silet hodie barbara Pyramidum miracula
Memphis, in quæ pretium omne, superstitiosa
effudit Ægyptus, tot impensis immortale nomen,
suis Principibus parare parereque contendens, ut
quibus in mortali corpore, semper vivere non erat
concessum, in saxis & lapidibus perennarent:
nil Tuæ liberalitati cum his potest dici commu-
ne, qui in immortalibus animis, Tuæ gloriæ mo-
numentum ponis ære perennius, quod non im-
ber edax, non Aquilo impotens, nec innumera-
bilis annorum series possit diruere. Crediderim
Divinam Tibi insedisse mentem, dum non Cir-
censibus ludis, non septizonijs, nec theatris, aut
amphitheatris extruendis, quæ ventura consumat

vetustas; sed honestissimarum artium exercitio, duraturo in ævum, auream munificentiam impendis. Non iam vni Alphonso, gemmis, auro, unionibus, imò regno toto potiores literæ, cum in Tuo Celsissimo animo, parem æstimationem repererunt; cui omne pretium vile, omne dispendium leve, quod Musarum domicilio, quod literatorum labori, in præmium cedat.

CAROLUS II Imperator Romanus, Symboli loco, pingi iubebat sacellum; à cuius latere sinistro, ingens auri acervus, à latere dextro, lauri arbor eminebat, cum præfixo lemmate: & auro & lauro; nil horum à Tua liberalitate, nil à Tuo Lyceo absimile, quod & auro & lauro exornas, dum laureatis capitibus hos postes pandi iubes, aurea munificentia subintrare invitas; ut in hoc literarum hospitio, non magis ad Rhetoricæ leges bene dicere, quam ad honestatis instituta, bene vivere Iuvenēs discant. Nempe non ignoras, literas, omnium fundamenta esse virtutum, sub quarum Magisterio, continentia, vigilantia, patientia, pietas, educantur: quarum culturâ, mitescunt ingenia, exuitur feritas, pellitur barbaries, morum inducitur comitas, discitur civilitas, mentium soboles, gemmascit, cætu sociata decoro. Nostī perbellē literas esse nutrices industriæ, quæ curias replent consilijs, forum iustitiâ, templa religione: quæ si bellum vrget, magnanimitate, si pax arridet, providentiâ, omnia definiunt. Ecquod utilius, de Tuæ beneficentiæ Nilo, in Patriæ & Ecclesiæ commodum, promanere potuit? Fontem limpidissimum munifica reseras dexterâ, ut ex eo teneræ mentes, omissis limosis quibuscunq; rivulis, doctrinam,

candorem, pietatem hauriant. Nobile instituis
literarum emporium, ad quod ceu ad mercatu-
ram generosi adolescentes confluant, ut tantum
exinde lucrentur, quantum altioribus disciplinis,
quantum capacitati suæ sit necessum. Lucidam
Pharum Tua in Vrbe accendis, exqua eruditio-
nis promicent radij; dumq; lubrica iuvenum ætas,
affectuum tempestatibus, velut naufraga Navis,
in procelloso salo, huc & illuc impellitur, hæc
lampas munus habeat, revocare errantes. Defi-
gis columnam, Colossis, Obeliscis, & quavis alia
celsiorem mole, in qua hastatæ Minervæ Tyro-
nes, ex hoste animorum receptas, consignabunt
victorias, appendent trophæa, triumphales pal-
mas exarabunt: in qua grata posteritas, Sago &
Togæ, Marti æquè & arti, idoneos Cives, ex
Tuo prodeuntes Gymnasio, auratis depinget ima-
ginibus. is enim negat duntaxat Minervam Mar-
ti sociari, qui ignorat, dextrâ Achillis invictissi-
mum cecidisse Hectora, Solones & Pericles, The-
mistocles & Xenophontes, optimos literatos,
bellatores optimos extitisse; documento Orbi,
& Palladi suam ægidem esse, & literas barbari-
em non fortitudinem exhaurire.

Da veniam ILLUSTRIS-SIME & EXCELLENTIS-
SIME DOMINE, ut sterili calamo, in rei argumen-
tum, Maiorum Tuorum cedro digna recenseam
nomina, qui utraq; Pallade instructissimi, Sar-
matix dixerunt Oracula, Delphico Tripode sa-
pientius, militaverunt Cæsare & Pompeio fe-
licius, foris pro Patria Argi, Domi Consi, Cy-
neaq; habiti; ut res Phœbo clarior esset, eos in
Castris Minervæ, benè assuetos fuisse victorijs,
quibus in pacis & belli negotijs, facile fuit, illu-

stribus

tribus clarere trophæis." Brevi hos complecti
Syllabo, audacis propositi res nimium esset:
sæcula enim, momento dicere, oceanum vnica
comprehendere guttâ, Cælum digito tangere vel
metiri cuperem, si septingentis amplius ab an-
nis, Aborigenes Tuos Illustrissimos, paucis pe-
riodis concludere vellem. Loquantur Heroum
fasti, in TUA ILLUSTRISSIMA DOMO, Senatorio
trabeatos Murice, quinque pulchra serie PALA-
TINOS, vndecim CASTELLANOS, omnes
vel Exercituum Regni gloriosos Imperatores,
aut legionum peritissimos Duces, Hiliarchas,
Capitaneos, vere triumphalem Senatum, quem
si Cyneas simul videret, Principum confesum
merito existimaret.

Auxit gloriosè hæc Augusta Familiæ decora,
in firmamento Ecclesiæ DEI primæ magnitudinis
fidus, PETRUS de MIROW MYSZKOWSKI,
EPISCOPUS olim Cracoviensis, DUX Seve-
riæ, in quo Optimum & Senatorem & Orato-
rem illa coluit ætas, cum sub tribus Regibus,
Consiliorum Senatûs insignis Moderator, quo-
ties loqueretur, non verba sed oracula daret,
tanta virtutis & eruditionis maiestate conspicu-
us, vt ex eo facundiæ, comitatis, & Magnificen-
tiæ, ideam ac imaginem, quisq; posterorum su-
mere posset. Et certè expressit hæc in se tanti
Senatoris illustria animi lineamenta, & vivis ad-
umbravit coloribus SIGISMUNDUS MY-
SZKOWSKI, Supremus Mareschalcus Regni,
Poloniæ Regum & Principum exterorum deli-
cium, & amor, qui dignus fuerat æstimatus, ob
Heroicas virtutes, in Illustrissimæ GONZA-
GARUM FAMILIÆ, MANTUÆ DUCUM,

influere nomen Princepsq; censer, dum coaptari, & in suos Poster, tam Inclytæ Proſapiæ titulum meruit derivare. Quid deerat tanti Herois Celiſſimæ gloriæ? aurum auro adijci oportuit, & honoribus cumulari honores, quando CLEMENS VIII. Pontifex Maximus, cognitam illius in publicis functionibus, limatiſſimam prudentiam, dotesq; Principe dignas, Marchionatu coronavit; Leones, præpetesq; Aquilas Armorum Monili adiungēs, ut quibus auspiciis, Jupiter Gigantes triumphaverat, & Cæſar Dictator, imperiū Orbis obtinuerat, ſibi ad ſumma honorum faſtigia Duces eſſent, Leonina fortitudine, pro Patria & Eccleſia, in poſteris ſtrenuè dimicanti. Æmula Virtus in Illuſtriſſimo VLADISLAO MYſzkowski, Palatino Cracoviensi, non degenerare tanti Patris Filio, pulchra meritorum, in facie Orbis, emicuit luce, qui Conſilio Neſtor, manu Achilles, trabecam Senatoriam ornavit Murice, quem victor gladius fudit, dum canente Claſſicum contra Svecos Marte Lechico, ibat in bella avidus gloriæ, ut periculorum ita victoriarum, Sereniſſimi Poloniae Regis CASIMIRI Tertij individuus comes, de ſua immortalis gloria, etſi nulla prole beatus, bene tamen ſecurus, quæ non in Minorum meritorum Succellore, ſummam attigit augem. FRANCISCUM hic Marchionem in MIROW Caſtellanum primo, Sochacoviensem, poſt Beſzenſem, TUUM, ILLUSTRISſIME & EXCELLENTISſIME DOMINE, Progenitorem venerabundus ſuſpicio, qui agere & pati fortia, mox prima ætate condiſcens, à Martia fortitudine, doctrinam & pietatem non excluſit, his geminis,

ut in

ut in Aula, CAROLO, Serenissimo Poloniae
& Sveciae PRINCIPI, Plocensi & Vratislavi-
ensi EPISCOPO, intimè carus, ita inter Gradivi
furores, velut septemplici Aiaceis clypeo semper
securus, pro Patria, & animæ & opum prodi-
gus, ditior tamen Arabum gazis, pro cuius fori-
bus, ipse virum ambiens, excubabat honos, &
fugientem sequebatur, iam Senatorias obiectan-
do Curules, iam Divæ Themidi, æquissimum ex-
poscendo præfidem, ut eius ore iustitia loqueretur,
qui benè vivere, neminem lædere, suum
cuiq; reddere didicisset. Accusare poteras ILLUSTRIS-
SIME & EXCELLENTISSIME DOMINE, cru-
delia fata, quæ Tibi sub tanti Genitoris cura
adolescere minimè concesserunt, nî ILLUSTRIS-
SIMUS JOANNES MYSZKOWSKI, PA-
TRUUS TUUS CASTELLANUS Bel-
zensis, pari circum Tuam indolem solitudine,
Patrem se probasset, cuius gloria vel in hoc eni-
tuit, quòd non sibi sed Patriæ vivere voluerit, ex
proprio arario, obsequio Reipublicæ, Cataphra-
ctis pedestribusq; copiis militans, ne tum etiam
teneræ ætati, ad Heroica facinora Domi exem-
plum deesset, ut Pater olim Anchises, ita Patruus
Hector. Quamquam ILLUSTRISSIMUS STANI-
SLAUS Frater Tuus, placida indole mitiora
spirans, libellis magis quam bellis parabat ani-
mum, qui in Castris primò Craciæ Minervæ stre-
nuus Athletes, post exotico Sole futuris Patriæ
viris, ab experientia rerum gerendarum Magi-
stra subsidia quærens, spem fecerat, lucem se da-
turum honoribus, nî mors præmatura, vitæ Ec-
clipsim accersisset, hoc vno iniquior visa, quòd
in loco æquitatis, cum Iudex Deputatus in Tri-

bunali Regni, sacrum iustitiæ negotium ageret,
ausa est humana convellere jura, illum innocen-
tis animi florem extinguens, cuius fragrantia, eti-
am INNOCENTIO XI, cæterisq; exoticis Prin-
cipibus in delicijs fuit.

Tu superstes Augustæ Columna Domus JL-
LUSTRISSIME, & EXCELLENTISSIME DOMINE,
CASTELLANE SANDOMIRIENSIS CAPI-
TANEE LANCKORONENSIS, tantorum
splendorum ex asse Heres, etiam proprijs virtu-
tibus meridiem efficis, tantò serenior, quan-
tò plenius, mare luminum ex Ducali CZARTO-
RYNSCIORUM Domo, in JLLUSTRISSIMA
CONSORTE HELENA CONSTANTIA
CZARTORYNSKA, DUCISSA in KLEWAN, Ti-
bi se infudit, quam Illustrissimorum suorum Ma-
iorum, quot Nomina, tot Numina, quot Fabii
tot Clypei, tot Atlantes, Orbis Lechici baiuli,
corusca meritorum luce circumdant. Tantis
conservandis vtriusq; Illustrissimæ Domus deco-
ribus, parum Tibi visum JLLUSTRISSIME & EX-
CELLENTISSIME DOMINE, armari acinace, cum
Viennenses ac Bucacenses Campi, contra Asiæ
Encelados, Te strenuum probassent Achilem, &
Martia Virtus Tua, à Serenissimo ac Invidiissimo
Poloniarum Rege JOANNE III præconium
ferret, Te Reipublicæ Optimum defensorem fu-
turum. Parum in Reges & Principes fidelitatis
& amoris tenorem incorruptum servare. Pa-
rum summis Virtutibus, prudentiâ, fortitudine,
liberalitate, gloriose clarere. Parum omnigena
eruditione, quam olim in Schola Regni ALMA
ACADEMIA CRACOVIANSI sedulus quaesisti, in-
structissimum, ut Civem Patriæ decet, habere

animum, quo ut Macedo ense, intricata publi-
ca quaecunq; negotia resolvere nosti, nō literas,
gestorum & temporum testes, Tuæ ILLUSTRIS-
SIMÆ DOMUI, in excubijs posuisses. His enim
datum est vindicare ab interitu Orbem: fuga-
cia, vel levi penna frenare sæcula: æternitati ser-
vare, quidquid in apricum protulit ætas: He-
roum trophæa & triumphales palmas, longa se-
rie succedentibus tradere Posteris: immortalita-
tem, mortalibus, inducere rebus. Occinat
venulinus vates, vixisse fortes ante Agamemno-
na multos, sed omnes illachrymabiles, vrgeri
longa nocte, carent quia vate sacro; vel ideo,
quod parum sepultæ distet inertiae, celata vir-
tus. Non hæc vesperugo, Tuis, ILLUSTRIS-
& EXCELLENTISSIMÆ DOMINE, ominosa splen-
doribus, quibus lumen literarum accedit: im-
mortali charactere consignata, ILLUSTRIS-
DOMUS TUÆ Docora, æternitatis continebunt
fasti, hancq; munificentiam sæculis loquentur,
qua decrevisti, ut Iagelonica Pallas, hic Musis
innocentibus sua Castra metata, armis lucem
spargentibus, proscriberet, a rudibus iuuenum
animis, inscitiae noctem, fugaret ignorantiae
monstra, contra sapientiae hostem decertaret.
Benè licet ominari tenellis in hoc loco Musis,
quibus ædes & sedes contigit Divorum confinio
veneranda; sic enim cognato velut vicinorum
sibi Numinum tenebuntur complexu, hisq; pro-
pitij Cæli sideribus, benigniores in se deriva-
bunt influxus. Benè licet sperare Tuo Athe-
næo, cuius iacta fundamenta, eodem celsius sur-
rexere anno, quo Tui, ILLUSTRIS-
& EXCEL-
LENTISSIMÆ DOMINE, MARCHIONAT US,

per tot lustra temporum, deductum sæculum,
 sua felicitate coronatur, omine non vano, ean-
 dem immortalitatem ILLUSTRISSIMIS MY-
 SZKOVIIIS MARCHIONIBUS, Cælos largi-
 ri, quam literis, superi concessere. Benè & Ti-
 bi Urbs Pinczovia licet ominari, cuius velut
 fessis visceribus, resides aquas & literarum a-
 mnes, gratiosa munificentia, ILLUSTRISSIMI &
 EXCELLENTISSIMI DOMINI CASTELLANI
 infudit. Benè & Vobis lectissimi Iuvenes, qui-
 bus, non fabulosi Pegasi vngulâ, sed liberalita-
 te Principe digna, melior Hypocrene, fons Mu-
 sis producitur sacer, vt ceu novæ plantæ, iuxta
 harum decursum aquarum, crescatis, vberimum
 fructum, Reipublicæ & Ecclesiæ allaturi. Coro-
 net Orbis & felix æternitas, ILLUSTRIS-
 SIME & EXCELLENTIS-
 SIME DOMINE, hanc Tuam in li-
 teras munificentiam; Cracoviensis ACADEMIA,
 Tibi suo Benefactori, optimo bonarum litera-
 rum Fautori, pro tanto beneficio, gratiarum li-
 tat devota Hecatumben, cum eo voto, vt quem
 in hoc loco, Fundatorem munificum agno-
 scit, longum in ævum, Patronum, Prote-
 ctorem & Benefactorem, in Filijs Ne-
 potibus, populisq; Nepotum veneretur

D I X I.



l,
n.
Y-
i-
i-
nt
a-
&
I
i-
a-
u-
ra
m
o-
&
i-
A,
a-
li-
m



3

15